

PROTOKOL O SARADNJI

Zaključen u Sarajevu, dana 15.03.2016. godine, između:

1. **Ministarstva za rad, socijalnu politiku, raseljena lica i izbjeglice Kantona Sarajevo**, sa sjedištem u Sarajevu, ul. Reisa Džemaludina Čauševića br. 1, koje zastupa ministrica Amela Dautbegović (u daljem tekstu: Ministarstvo),
2. **Fakultet političkih nauka u Sarajevu**, ul. Skenderija broj 72, koji zastupa dekan prof.dr. Šaćir Filandra,
3. **KJU „Porodično savjetovalište“**, sa sjedištem u Sarajevu, ul. Avdage Šahinagića broj 14, koju zastupa direktor Senad Alić,
4. **KJU „Disciplinski centar za maloljetnike“** sa sjedištem u Sarajevu, ul. Jukićeva bb, koju zastupa direktor Nermin Mušikić,
5. **JU „Kantonalni centar za socijalni rad“** sa sjedištem u Sarajevu, ul. Gatačka broj 80, koju zastupa direktor Adnan Podžo,
6. **KJU „Dom za socijalno zdravstveno zbrinjavanje osoba sa invaliditetom i drugih osoba“**, sa sjedištem u Sarajevu, u. Nahorevska broj 195, koju zastupa direktorica Sanita Alagić,
7. **KJU „Gerontološki centar“**, sa sjedištem u Sarajevu, ul. Aleja Bosne Srebrene broj 7, koju zastupa direktor Ismet Skoko,
8. **JU Terapijska zajednica -Kampus Kantona Sarajevo**, sa sjedištem u Sarajevu, iznad sela Kešelji bb, koju zastupa vd direktor Elmedin Hrelja,
9. **KJU Dom za djecu bez roditeljskog staranja**, sa sjedištem u Sarajevu, ul. Bjelave broj 52, koju zastupa direktor Saudin Đurđević i
10. **JU „Služba za zapošljavanje Kantona Sarajevo“ Sarajevo**, ul. Đoke Mazalića broj 3, koju zastupa direktor Igor Kamočaji (u daljem tekstu Služba za zapošljavanje).

Potvrđujući spremnost i volju da zajedničkim zalaganjem raspoloživih resursa unaprijede kvalitetu socijalnog rada kao i bržu integraciju na tržištu rada socijalno ugroženih kategorija te doprinesu općedruštvenoj koristi u ovoj oblasti, strane potpisnice su se saglasile o sljedećem:

Predmet Protokola

Član 1.

Ovim Protokolom uređuje se međusoban odnos u provođenju i unapređenju socijalnog rada, rada sa nezaposlenim socijalno ugroženim kategorijama, te uspostavljanje kvalitetnije saradnje između resornog ministarstva, ustanova u mreži socijalne zaštite, Službe za zapošljavanje i Fakulteta političkih nauka u Sarajevu.

Svrha Protokola

Član 2.

Svrha ovog Protokola usmjerena je na:

- međusobno razmjenjivanje iskustava i znanja iz djelatnosti socijalnog rada;
- unapređenje rada sa nezaposlenim socijalno ugroženim kategorijama;
- provođenje praktične obuke studenata Fakulteta političkih nauka-Odsjeka za socijalni rad;
- razvijanje zajedničkih projekata aplikacije za domaće i međunarodne fondove;
- učestvovanje u zajedničkim istraživačkim projektima i edukacijama;
- publiciranje stručne i edukativne literature;
- učestvovanje u obilježavanju značajnih datuma i jubileja i sl.

Član 3.

Strane potpisnice su saglasne da će, u cilju realizacije člana 1. i člana 2. ovog Protokola sačiniti Program zajedničkog djelovanja.

Obaveze ustanova socijalne zaštite

Član 4.

Ustanove socijalne zaštite su saglasne da:

- prema dogovorenom terminu sačine prijedlog zajedničkih aktivnosti koje će biti sastavni dio Programa zajedničkog djelovanja;
- da stručno i kvalitetno realiziraju aktivnosti Programa zajedničkog djelovanja posebno poštujući dogovorene rokove za izvršenje predloženih zadataka;
- da redovno izvještavaju resorno ministarstvo o provedenim aktivnostima Programa te o drugim realiziranim aktivnostima po osnovu ovog Protokola;
- organizuju sastanak jednom mjesečno ili po potrebi sa svim potpisnicama, radi uvida u tok realizacije aktivnosti Programa zajedničkog djelovanja.

Obaveze Fakulteta političkih nauka

Član 5.

Fakultet političkih nauka se obavezuje da:

- prema dogovorenom terminu sačini prijedlog zajedničkih aktivnosti koje će biti sastavni dio Programa zajedničkog djelovanja;
- da stručno i kvalitetno realizira aktivnosti Programa posebno poštujući dogovorene rokove za izvršenje predloženih zadataka;
- da vodi evidenciju studenata i ustanova u kojoj je praktična obuka provedena i, na zahtjev resornog ministarstva, da dostavlja izvještaj o broju studenata koji su obavili praktičnu obuku.

Obaveze Službe za zapošljavanje

Član 6.

Služba za zapošljavanje se obavezuje da:

- provodi aktivnosti integracije socijalno ugroženih kategorija na tržištu rada (grupe u Klubu za traženje posla);
- provodi obuke za poduzetništvo;
- provodi aktivnosti profesionalne orijentacije i upoznavanje sa stanjem na tržištu rada;
- provede i druge aktivnosti koje strane potpisnice ovog Protokola dogovore i za koje se ukaže potreba.

Aktivnosti Ministarstva

Član 7.

Ministarstvo je saglasno da će učestvovati i pratiti realizaciju Progama zajedničkog djelovanja kao i ostalih aktivnosti koje su predmet ovog Protokola, kako bi udruživanje zajedničkih resursa na ovaj način doprinijelo unapređenju kvalitete rada potpisnica Protokola.

Prelazne i završne odredbe

Član 8.

Protokol o saradnji zaključuje se na neodređeno vrijeme i ostaje otvoren za dodatne izmjene i dopune, uz uzajamnu suglasnost strana potpisnica i na osnovu prijedloga i sugestija neposrednih nosilaca obaveza utvrđenih ovim Protokolom.

Član 9.

Sve konkretnije zajedničke aktivnosti u realizaciji Protokola strane potpisnice će naknadno posebno utvrditi i međusobno dogovoriti.


Član 10.

Eventualne nesuglasice u implementaciji ovog Protokola rješavat će u duhu međusobne tolerancije i razumijevanja.

Član 11.


Ovaj Protokol sačinjen je u (20) dvadeset istovjetnih primjeraka od kojih svaka strana potpisnica zadržava po dva.

Ministarstvo za rad, socijalnu politiku,
raseljena lica i izbjeglice Kantona Sarajevo


Ministrica, Amela Dautbegović

Broj: 13/01-35-8150/16


Fakultet političkih nauka u Sarajevu


prof. dr. Šaćir Filandra, dekan



Broj: 01-3-148-1/16


KJU „Porodično savjetovalište“


direktor
Senad Alić



Broj: 01-49-189/16


KJU „Disciplinski centar za maloljetnike“


direktor
Nermira Mušikić



Broj: 35-01-49-122/16

JU „Kantonalni centar za socijalni rad“


direktor
Adnan Podžo

Broj: 35/x-11-041-460/2016

KJU „Dom za socijalno zdravstveno zbrinjavanje

osoba
sa invaliditetom i drugih osoba“


direktorica
Sanita Alagić

Broj: 23-519/16

KJU „Gerontološki centar“


direktor
Ismet Skoko

Broj: 10-400/16

JU Terapijska zajednica -Kampus Kantona
Sarajevo


direktor
Elmudin Hrelja


Broj: 35-01-05-233/16

KJU Dom za djecu bez roditeljskog staranja


direktor
Saudin Đurđević

Broj: 588/16

JU „Služba za zbrinjavanje“ Kantona Sarajevo“


direktor
Igor Kamočaji

Broj: 01-01-34-0298/16